

Tem sins takanka 1

¿TEM BA DÍA?

Manka Ulanka 1–3

LAN TAKANKA LUKANKA NANI

Na lesan ka nani danh daukbia pyua ra, skul tutktan nani ba sip kaisa

- Tem nani nahki sins taki ba an nahki ba wal iwiba
- Sinska nani kau kuakan kaisa nahki tem nani di bani ra sins taki ba dahra aisaya

LAN TAKAN SAPA LAKI KAIKAYA BA

- Tuktan nani aikuki dakni taki aisi kaikanka daukaya
- Lilka paskaya mani bilara nahki li apia lapta pyua taki ba dukiara

DÍA YUS MUNAYA BA

- Kalat yabaya pincil ka nani (bara sa kaka)
- Wauhtaya an pincil nani
- Lilki ka kum skul watla bilara bri kaka, nahki dí kum bilara tem nani sins taki ba (kialandar kum bri kaya sipa di bani tem ka ba mangki waya dukiara)

TEM AN YUS MUNAYA

- Lesan ba dukiara awar kum
- 5-10 minit di wala bani

NAHKI DAUKAYA BA

01 Ta Krikanka

Aisi kaikanka

- ¿Día sat tem ka di kum bilara bri kaya sipa? (wiya want ba, lapta karna muni bitni, li auhi muni bitni, mukus bri kuna li auhras, pasa alki, alwani pasa wal pruki, an sat sat.)

02 Sins laka ser munanka

Almuk nani paiwanka

- Almuk kum invait muns skul watla bara witin tem nani dahra aisabia. ¿día muni yawan tem nani sat ka bani ba ul nidsa? (lapta, li, mukus, pasa, an sat wala nani.)
- Tem kum saki yas skul tuktan nani ra almuk bara makabi walan ka daukaya dukiara

03 Skul tuktan wark ka

Kumi bani wark ka

- Lilka yumhpa paski marikaya sa di kum bilara tem nani nahki kaya sip ba dukiara
- Skul tuktan nani ba aitahkia nani mawan ra marikaya lilka paskan nani ba an dahra aisaya
- Lilka nani ba skul watla bilara prakaya dakni bani ra baiki saki (li, lapta, pasa.)

Skul rum ka bilara

- Tem nani lilka kum brikaya (an kialandar kum) an wik dí ka nani nina mangkan kaya
- Wik di ka nani bani: skul smasmalkra ba di bani ra tem ba nahki sa sapa wali baha wik dika lilka prakan bara mark muni waya

04 Prakanka

Dí bani skul tuktan wal aisas tem nani dukiara an lilka praki bri bara ulbi waya.












NARA SAMPLA KUM SA WIK BILARA TEM SINS TAKI BA ULBI WAYA DUKIARA

¿Naiwa tem ka ba nahki sa?							
	Sandi	Mundi	Shusdi	Winsdi	Tausdi	Fraidi	Satadi
Tem nahki ba							
Nahki wan dara wali ba							

NAHKI WAN DARA WALI BA (SEN MUNAIKA NANI)



Tem nani nahki ba

 kauhla	 lis kauhla	 tem pain	
 bitni	 lapta	 uba bitni	 il paura sat

Tem sins takanka 2

MANI BILA RA TEM SINS TAKI BA

Manka Ulanka 1–3



LAN TAKANKA LUKANKA NANI

Na lesan ka nani danh daukbia pyua ra, skul tutktan nani ba sip kaisa

- Aisaya ani bilara nahki tem nani sins taki ba an ba sins takanka nani ba diaura ambuk muni ba
- Dahra aisaya nahki indian nani ba mani bilara kati nani an tem nani sins taki ba wal ai iwanka nani sim sins muni ba
- Dahra aisaya nahki tem sins takanka ba lapta an li auhan ka nani pyuara ambuk muni ba ai tawanka nani bilara

LAN TAKAN SAPA LAKI KAIKAYA BA

- Skul tuktan nani aisi kaikanka
- Mani bilara tem nani sins taki ba an dia warka nani ba pyuara dauki ba lilka

DÍA YUS MUNAYA BA

- Wauhtaya
- Pint munaya pincil ka nani

TEM AN YUS MUNAYA

- Alsut bara 2 awar

NAHKI DAUKAYA BA

01 Ta krikanka

Aisi kaikanka

- ¿Pliski ra ba tem li pyua an mani pyua aula tem día pali ba kau kaikisa?
- ¿Lapta an li ba nahkisa mani an li tem pyua ra?
- ¿Daiwan an dus nani ba nahki ridi takisa li tem an mani tem dukiara?
- ¿Día warka nani, lili ka pulanka an kulkanka nani ba li tem an mani tem pyuara daukisa?

02 Sins laka ser munanka

Almuk nani paiwanka

- Almuk kum ra skul watla ra invait muns an witin wina wals nahki mani bila ra li tem an mani tem sins taki ba an nahki tem sins takanka ba mita baha ra ambuk muni ba. ¿Nahki dus nani ra ambuk muni sa, daiwan an upla nani tawan kam bilara?

Tem yas tuktan nani almuk nani ra makabi walanka nani daukbia.

03 Skul tuktan wark ka

Wal taki wark ka

- ¿Li tem an mani tem ba nahki sa wan tawan ka bila ra? ¿Yawan mani tem dia daukisa an li tem dia daukisa? ¿Almuk nani mapara li tem nahki kan an mani tem nahki kan naiwa di ka wal prakan tem? ¿Nahki sat wala sa? ¿Nahki sat wala sa dus nani, daiwan nani an tem ba pas wal prakbia kaka?

Kumi bani wark ka

- Lilka wal pasks: pas ba almuk kum pas tem pyua tem ka tilara an wala ba sim almuka ba sim temka nahki iwi ba naiwa dika
- Mani alkanka 5: lilka paskaya
- Mani alkanka 6: Lilka nani pasks an lilka bani sirka turi prahni kum uls
- Mani alkanka 7: lilka nani pas an bila prahni wal uls lilka nani ba sirka
- Mani alkanka 8: Lilka nani pasks an turi bila yari kum uls lilka nani bani sirka

Nahki sat sat lilka paskaya ba: daiwan nani sat ka, lisamra lilka, man tem pyua, plun wauhan pyua, plun apu pyua.

04 Prakanka

Asla ra ser munanka

- Dakni sirpi bilara (3–4 skul tuktan prais), skul tuktan nani ba lilka paskan nani ba ai pana nani ra mariki dahra aisaya.

Tuktan ul mawan ra, dus nani pain ka an ilp ka laka wan tawan ka ra briba dukiara aisas.